

## ԱՐՁԱՆԱԳՐՈՒԹՅՈՒՆ

**«Բնական և տեխնաժին բնույթի արտակարգ իրավիճակների կանխման և հետևանքների վերացման բնագավառում փոխգործակցության մասին» 1993 թ. հունվարի 22-ի համաձայնագրում փոփոխություններ և լրացումներ կատարելու մասին**

«Բնական և տեխնաժին բնույթի արտակարգ իրավիճակների կանխման և հետևանքների վերացման բնագավառում փոխգործակցության մասին» 1993 թվականի հունվարի 22-ի համաձայնագրի (այսուհետև՝ Համաձայնագիր) մասնակից պետությունների կառավարությունները, այսուհետև՝ Կողմեր,

ձգտելով արտակարգ իրավիճակների կանխարգելման և վերացման բնագավառում համագործակցության կատարելագործմանը,

**համաձայնեցին ներքոնշյալի մասին.**

### **Հոդված 1**

Համաձայնագրի 9-րդ հոդվածի երկրորդ պարբերությունը շարադրել հետևյալ խմբագրությամբ.

«Բնական և տեխնաժին բնույթի արտակարգ իրավիճակների Միջպետական խորհուրդն իր աշխատանքում առաջնորդվում է Կանոնակարգով, որը սույն Համաձայնագրի անբաժանելի մասն է»:

### **Հոդված 2**

Համաձայնագիրը լրացնել «Բնական և տեխնաժին բնույթի արտակարգ իրավիճակների Միջպետական խորհրդի կանոնակարգ» հավելվածով (կցվում է):

### **Հոդված 3**

Համաձայնագիրը լրացնել 10.1-ին հոդվածով՝ հետևյալ բովանդակությամբ.

«Համաձայնագրի մասնակիցների համաձայնությամբ սույն Համաձայնագրում կարող են կատարվել փոփոխություններ և լրացումներ, որոնք ձևակերպվում են համապատասխան արձանագրություններով և կազմում են սույն Համաձայնագրի անբաժանելի մաս»:

### **Հոդված 4**

Սույն Արձանագրությունն ուժի մեջ է մտնում այն ստորագրած Կողմերի կողմից դրա ուժի մեջ մտնելու համար անհրաժեշտ ներպետական ընթացակարգերի կատարման մասին վերջին գրավոր ծանուցումն ավանդապահի ստանալու օրվանից:

## Հոդված 5

Սույն Արձանագրությունն ուժի մեջ մտնելուց հետո բաց է Համաձայնագրի յուրաքանչյուր մասնակից պետության միանալու համար՝ ավանդապահին միանալու մասին փաստաթուղթը փոխանցելու միջոցով:

Միացող պետության համար Արձանագրությունն ուժի մեջ է մտնում միանալու մասին փաստաթուղթն ավանդապահի ստանալուց 30 օր հետո:

Կատարված է Դուշանբե քաղաքում 2015 թ. հոկտեմբերի 30-ին, մեկ բնօրինակով՝ ռուսերեն: Բնօրինակը պահվում է Անկախ Պետությունների Համագործակցության գործադիր կոմիտեում, որը սույն Արձանագրությունն ստորագրած յուրաքանչյուր պետության կողմից դրա հաստատված պատճենը:

**Ադրբեջանի Հանրապետության  
Կառավարության կողմից՝**  
/ստորագրություն/  
**(վերապահումով)**

**Ռուսաստանի Դաշնության  
Կառավարության կողմից՝**  
/ստորագրություն/

**Հայաստանի Հանրապետության  
Կառավարության կողմից՝**  
/ստորագրություն/

**Տաջիկստանի Հանրապետության  
Կառավարության կողմից՝**  
/ստորագրություն/

**Բելառուսի Հանրապետության  
Կառավարության կողմից՝**  
/ստորագրություն/

**Թուրքմենստանի  
Կառավարության կողմից՝**  
-----

**Ղազախստանի Հանրապետության  
Կառավարության կողմից՝**  
/ստորագրություն/

**Ուզբեկստանի Հանրապետության  
Կառավարության կողմից՝**  
/ստորագրություն/

**Ղրղզստանի Հանրապետության  
Կառավարության կողմից՝**  
/ստորագրություն/

**Ուկրաինայի Կառավարության  
կողմից՝**  
-----

**Մոլդովայի Հանրապետության  
Կառավարության կողմից՝**  
/ստորագրություն/

## Հավելված

Հավելված «Բնական և տեխնաժին բնույթի արտակարգ իրավիճակների կանխման և հետևանքների վերացման բնագավառում փոխգործակցության մասին» 1993 թվականի հունվարի 22-ի Համաձայնագրին կից

### ԿԱՆՈՆԱԿԱՐԳ

## Բնական և տեխնաժին բնույթի արտակարգ իրավիճակների Միջպետական խորհրդի մասին

### I. Ընդհանուր դրույթներ

1. Բնական և տեխնաժին բնույթի արտակարգ իրավիճակների Միջպետական խորհուրդը (հետագայում՝ Խորհուրդ) ստեղծված է «Բնական և տեխնաժին բնույթի արտակարգ իրավիճակների կանխման և հետևանքների վերացման բնագավառում փոխգործակցության մասին» 1993 թվականի հունվարի 22-ի Համաձայնագրի (հետագայում՝ Համաձայնագիր) համաձայն և հանդիսանում է Անկախ Պետությունների Համագործակցության (հետագայում՝ ԱՊՀ) ոլորտային համագործակցության մարմին:

2. Խորհուրդն իր գործունեության ընթացքում ղեկավարվում է միջազգային իրավունքի հանրաճանաչ սկզբունքներով ու նորմերով, ԱՊՀ կանոնադրությամբ, ԱՊՀ շրջանակներում կնքված միջազգային պայմանագրերով, պետությունների ղեկավարների Խորհրդի, կառավարությունների ղեկավարների Խորհրդի, արտաքին գործերի նախարարների Խորհրդի և ԱՊՀ տնտեսական խորհրդի որոշումներով, ինչպես նաև սույն Կանոնակարգով:

3. Իր գործունեության մեջ Խորհուրդը հաշվետու է ԱՊՀ կառավարությունների ղեկավարների Խորհրդին:

4. Խորհուրդն իր գործունեությունն իրականացնում է ԱՊՀ գործադիր կոմիտեի և ԱՊՀ այլ ոլորտային համագործակցության մարմինների հետ սերտ համագործակցությամբ:

5. Խորհուրդը ձևավորվում է պետական իշխանության մարմինների ղեկավարներով, որոնք, համաձայն Համաձայնագրի մասնակից պետությունների օրենսդրությունների, պատասխանատու են արտակարգ իրավիճակների կանխարգելման և վերացման համար:

Խորհրդի անդամներին փոխարինող անձանց Խորհրդի նիստերին ուղարկելիս նրանց լիազորությունները պետք է լինեն հաստատված: Լիազորությունները Խորհրդի Քարտուղարության միջոցով ներկայացվում են Խորհրդի նախագահին, ով այդ մասին տեղեկացնում է նիստի մասնակիցներին:

Համաձայնագրի յուրաքանչյուր մասնակից պետություն Խորհրդում ունի մեկ ձայն:

Խորհրդի որոշումները կրում են խորհրդատվական բնույթ:

Խորհրդի կազմի մեջ մտնում են նրա քարտուղարը՝ խորհրդակցական ձայնի իրավունքով, և ԱՊՀ գործադիր կոմիտեի ներկայացուցիչը:

## **II. Խորհրդի խնդիրներն ու գործառույթները**

1. Խորհրդի հիմնական խնդիրներն են.

արտակարգ իրավիճակների կանխարգելման և վերացման համար Համաձայնագրի պատասխանատու մասնակից պետությունների օրենսդրությանը համաձայն՝ պետական իշխանության մարմինների փոխգործակցությանն աջակցումը,

արտակարգ իրավիճակների կանխարգելման և վերացման բնագավառում նորմատիվ իրավական ակտերի կատարելագործմանն ուղղված հանձնարարականների մշակում,

ընդհանուր մեթոդական մոտեցումների մշակում արտակարգ իրավիճակների կանխատեսման և մշտադիտարկման ժամանակ,

աջակցություն արտակարգ իրավիճակների կանխարգելման և վերացման հարցերով պետությունների ղեկավարների Խորհրդի, կառավարությունների ղեկավարների Խորհրդի, արտաքին գործերի նախարարների Խորհրդի և ԱՊՀ տնտեսական խորհրդի կողմից ընդունված որոշումների իրականացմանը:

2. Խորհրդի գործառույթները.

արտակարգ իրավիճակների կանխարգելման և վերացման հարցերով Համաձայնագրի մասնակից պետությունների օրենսդրություններին համապատասխան՝ մասնակցում է պետական իշխանության մարմինների օպերատիվ փոխգործակցության կազմակերպմանը,

մասնակցում է արտակարգ իրավիճակներից բնակչության և Համաձայնագրի մասնակից պետությունների տարածքների պաշտպանության բարելավմանն ուղղված միջոցառումների մշակմանն ու իրականացմանը,

նախապատրաստում է գործողությունների համատեղ ծրագրեր՝ ուղղված լայնածավալ և անդրսահմանային արտակարգ իրավիճակների կանխարգելմանն ու վերացմանը,

մասնակցում է համատեղ վարժանքների կազմակերպմանն ու անցկացմանը,

նպաստում է արտակարգ իրավիճակների առաջացման ռիսկի նվազեցմանն ու դրա մասշտաբների փոքրացմանն ուղղված միջպետական ծրագրերի, նախագծերի և միջոցառումների մշակմանն ու իրականացմանը,

նպաստում է համատեղ գիտահետազոտական և փորձարարական ստրուկտորական աշխատանքների կատարմանը, գիտատեխնիկական նվաճումների մասին փորձի փոխանակմանը, մեթոդական և տեխնոլոգիական փաստաթղթերի փոխանակմանը, հատուկ պարբերականների հրատարակմանը,

փոխգործակցում է ԱՊՀ այլ մարմինների հետ և անհրաժեշտության դեպքում նրանց հետ անց է կացնում համատեղ նիստեր,

բնական և տեխնաժին բնույթի արտակարգ իրավիճակների հետևանքների վերացման համար նշանակում է ԱՊՀ ուժերի Կորպուսի կառավարման մարմին, որոշում է դրա կազմը, աշխատանքի կանոնակարգը և վերահսկում է դրա գործունեությունը,

մշակում է առաջարկություններ բնական և տեխնաձին բնույթի արտակարգ իրավիճակների վերացման նպատակով ԱՊՀ ուժերի Կորպուսի կազմի, դրանց կիրառման կարգի վերաբերյալ,

կազմակերպում է փոխադարձ իրազեկում արտակարգ իրավիճակների առաջացման (առաջացման սպառնալիքների) վերաբերյալ,

արտակարգ իրավիճակների կանխարգելման ընթացքում իրականացնում է աշխատանքային շփումներ միջազգային կազմակերպությունների հետ,

իրականացնում է այլ գործառույթներ իր իրավասության շրջանակներում:

### **III. Խորհրդի իրավունքները**

Իր խնդիրների լուծման և գործառույթների կատարման համար Խորհուրդն իրավունք ունի.

1. Համաձայնագրի մասնակից պետությունների համապատասխան նախարարություններին և գերատեսչություններին հարցում անելու և նրանցից ստանալու տեղեկություն, որի հասանելիությունը չի սահմանափակվում հայցվող պետության օրենսդրությամբ, ինչպես նաև՝ Խորհրդի որոշումների կատարման մասին տեղեկություն, որն անհրաժեշտ է իր գործառույթների կատարման համար:
2. Սահմանված կարգով ԱՊՀ մարմինների քննարկմանը ներկայացնելու Խորհրդի կողմից պատրաստված փաստաթղթերի նախագծեր:
3. Անհրաժեշտության դեպքում ստեղծելու աշխատանքային խմբեր Խորհրդի գործունեության առանձին ուղղությունների կոնկրետ խնդիրները լուծելու նպատակով:
4. Իրականացնելու գործողություններ՝ ուղղված արտակարգ իրավիճակների կանխարգելման և վերացման բնագավառում Համաձայնագրի մասնակից պետությունների փոխգործակցության զարգացմանն ու կատարելագործմանը:
5. Մշակելու և հաստատելու իր աշխատանքի կանոնակարգը, ինչպես նաև փոփոխություններ կատարելու դրանում:

### **IV. Խորհրդի աշխատանքի կազմակերպումն ու կարգը**

1. Խորհրդի աշխատանքները կատարվում են Համաձայնագրի մասնակից պետություններում հերթականությամբ նիստեր անցկացնելու միջոցով:  
Խորհուրդն իր աշխատանքը կազմակերպում է իր հաստատած պլանների հիման վրա:
2. Խորհրդի նիստերն անց են կացվում ըստ անհրաժեշտության, սակայն ոչ պակաս, քան տարին մեկ անգամ: Հերթական նիստի անցկացման վայրը որոշվում է Խորհրդի նախորդ նիստի ժամանակ: Խորհրդի արտահերթ նիստ կարող է գումարվել Խորհրդի յուրաքանչյուր անդամի նախաձեռնությամբ և Խորհրդի անդամների մեծ մասի համաձայնությամբ: Խորհրդի նիստը լիիրավ է, եթե ներկա են նրա անդամների կամ նրանց կողմից լիազորվածների կեսից ավելին:

3. Խորհրդում նախագահությունը իրականացվում է ըստ հերթականության՝ Համաձայնագրի մասնակից պետությունների կողմից՝ իրենց ներկայացուցիչների միջոցով, այբենական կարգով՝ ռուսերեն, ըստ պետությունների անվանումների, որպես կանոն, մեկ տարվա ընթացքում, եթե Խորհրդի կողմից այլ բան չի հաստատվում:  
Խորհրդի նախորդ և հաջորդ նախագահները համարվում են նրա համանախագահներ: Խորհրդի նախագահի ժամանակավոր բացակայության դեպքում նրա պարտականությունները դրվում են համանախագահներից որևէ մեկի վրա:
4. Խորհրդի նախագահը.  
իրականացնում է Խորհրդի գործունեության ընդհանուր ղեկավարում, վարում է Խորհրդի նիստերը, սահմանված կարգով Խորհուրդը ներկայացնում է ԱՊՀ մարմիններում, Խորհրդի հանձնարարությամբ աջակցում և զարգացնում է կապերը այլ կազմակերպությունների հետ՝ իր լիազորությունների սահմաններում, դրանց աշխատանքային խմբերի մակարդակով, աջակցում է պետական իշխանության մարմինների միջև փոխգործակցության ապահովմանը, որոնք, մասնակից պետությունների օրենսդրությանը համապատասխան, պատասխանատու են արտակարգ իրավիճակների կանխարգելման և վերացման համար, իրականացնում է Խորհրդի գործունեության ապահովման հետ կապված այլ գործողություններ:
5. Խորհրդի անդամն իրավունք ունի ստանալու անհրաժեշտ տեղեկություն աշխատանքային խմբերի գործունեության, ընդունած որոշումների մասին, ինչպես նաև՝ քննարկման ներկայացնելու Խորհրդի լիազորությունների սահմաններում գտնվող ցանկացած հարց:
6. Խորհրդի նիստում, իր անդամների համաձայնությամբ, դիտորդի կարգավիճակով կարող են մասնակցել Համաձայնագրի մասնակից պետությունների հասարակական կազմակերպությունների ներկայացուցիչներ, Համաձայնագրի մասնակից չհանդիսացող ԱՊՀ պետությունների ներկայացուցիչներ, ինչպես նաև երրորդ պետությունների ներկայացուցիչներ, միջպետական միավորումներ և միջազգային կազմակերպություններ:
7. Յուրաքանչյուր հաջորդ նիստի նախնական օրակարգը որոշվում է Խորհրդի հերթական նիստի ժամանակ:  
Առաջարկությունները ներառվում են օրակարգում փաստաթղթերի նախնական նախագծերի կամ դրանց հայեցակարգերի տեսքով:  
Օրակարգում հարցը ներառելու որոշումը ընդունում է Խորհուրդը:  
Պետական կառավարման մարմինները, որոնք, Համաձայնագրի մասնակից պետությունների օրենսդրությանը համապատասխան, պատասխանատու են արտակարգ իրավիճակների կանխարգելման և վերացման համար, ցուցաբերում են անհրաժեշտ օժանդակություն Խորհրդին աշխատանքներին:
8. Խորհրդի որոշումներն ընդունվում են Խորհրդի նիստին ներկա գտնվող անդամների կոնսենսուսի հիման վրա: Կոնսենսուսը սահմանվում է որպես

նիստի ժամանակ Խորհրդի անդամներից անգամ մեկ ներկա գտնվողի պաշտոնական առարկության բացակայություն, որն իր կողմից առաջադրվել է որպես խոչընդոտ՝ քննարկվող հարցի շուրջ որոշում ընդունելու համար: Խորհրդի յուրաքանչյուր անդամ կարող է հայտարարել իր հետաքրքրության բացակայության մասին այս կամ այն հարցի վերաբերյալ, որը որոշման ընդունման համար խոչընդոտ չէ:

Ընթացակարգային հարցերը, այդ թվում նաև՝ նիստի բացման/փակման, դրա վարման, օրակարգի նախագծում առաջարկությունների ներկայացման և օրակարգի ընդունման, աշխատանքի կանոնակարգի, դիտորդներին խոսք տրամադրելու վերաբերյալ որոշվում են ներկա գտնվող Խորհրդի անդամների պարզ մեծամասնությամբ:

Խորհրդի նիստերի միջև եղած ժամանակահատվածում որոշումներ ընդունելու անհրաժեշտության դեպքում Խորհրդի քարտուղարությունը Գործադիր կոմիտեի հետ միասին, Խորհրդի նախագահի ցուցումով կազմակերպում է իր կողմից սահմանված ժամկետում որոշման ընդունում՝ օգտագործելով Խորհրդի յուրաքանչյուր անդամի ստորագրության բնօրինակը: Որոշման ընդունման ամսաթիվն է համարվում ստորագրմանը մասնակցող Խորհրդի անդամների վերջին ստորագրության ամսաթիվը:

9. Խորհրդի այն որոշումները, որոնք անմիջականորեն շոշափում են Համաձայնագրի որևէ մասնակից պետության շահերը, չեն կարող ընդունվել այն ներկայացնող անդամի կամ նրա լիազորված անձի բացակայության ժամանակ:

10. Խորհրդի աշխատանքը արտակարգ իրավիճակներին օպերատիվ արձագանքման ժամանակ կատարվում է հատուկ կարգով, որը որոշվում է Խորհրդի նախագահի կողմից՝ ելնելով իրադրությունից:

## **V. Խորհրդի քարտուղարությունը**

1. Խորհրդի քարտուղարության գործառույթներն իրականացվում են Համաձայնագրի մասնակից պետությունների պետական իշխանության մարմնի կողմից, որը նախագահում է Խորհրդում, ԱՊՀ գործադիր կոմիտեի համապատասխան կառուցվածքային ստորաբաժանման հետ միասին:

2. Խորհրդի քարտուղարությունն իրականացնում է հետևյալ գործառույթները.

ընդունող կողմի հետ միասին Խորհրդի հերթական նիստերի անցկացման կազմակերպում և ապահովում,

Խորհրդի անդամների կազմակերպչական, փաստաթղթային և տեղեկատվական գործունեության ապահովում,

Խորհրդի անդամների առաջարկությունների հիման վրա օրակարգերի նախագծերի ձևավորում և աշխատանքային նյութերի նախապատրաստում,

Խորհրդի նիստերին վերաբերող փաստաթղթերի նախագծերի նախապատրաստում և համաձայնեցում,

ստացվող նյութերի ամփոփում և դրանց առաքման կազմակերպում Խորհրդի անդամներին,

Խորհրդի գործունեության հարցերի շուրջ Խորհրդի անդամների հետ նամակագրության ապահովում,  
Խորհրդի կողմից ընդունված որոշումների կատարման աստիճանն արտացոլող տեղեկությունների ամփոփում,  
ԱՊՀ այլ մարմինների գործունեության և միջազգային կազմակերպությունների մասին անհրաժեշտ տեղեկատվությամբ Խորհրդին ապահովում,

3. Խորհրդի քարտուղարը նշանակվում է Խորհրդի նախագահի կողմից:

Խորհրդի քարտուղար է հանդիսանում այն պետական իշխանության մարմնի ներկայացուցիչը, որի ղեկավարը նախագահում է Խորհրդում, իսկ քարտուղարի տեղակալ՝ ԱՊՀ գործադիր կոմիտեի ներկայացուցիչը:

4. Խորհրդի քարտուղարության կանոնադրությունը հաստատվում է Խորհրդի կողմից:

## **VI. Ֆինանսավորումը**

1. Խորհրդի նիստերի անցկացման հետ կապված ֆինանսական ծախսերը կատարվում են Համաձայնագրի այն անդամ երկրի պետական իշխանության համապատասխան մարմնի հաշվին, որի տարածքում անց է կացվում Խորհրդի նիստը:

2. Խորհրդի անդամների և նիստի մասնակիցների գործուղման ծախսերը կատարվում են պետական իշխանության ուղարկող մարմնի և ԱՊՀ մասնակից պետությունների կազմակերպությունների կողմից:



**Ադրբեջանի Հանրապետության  
Վերապահումը**

**2015թ. հոկտեմբերի 30-ին ստորագրված «Բնական և տեխնաժին բնույթի արտակարգ իրավիճակների կանխման և հետևանքների վերացման բնագավառում փոխգործակցության մասին» 1993 թ. հունվարի 22-ի համաձայնագրում փոփոխություններ և լրացումներ կատարելու մասին» արձանագրությանը կից**

1. Հաշվի առնելով Ադրբեջանի Հանրապետության հատուկ կարծիքը «ԱՊՀ ոլորտային համագործակցության մարմինների վերաբերյալ Ընդհանուր կարգի մասին» 2009 թ. հոկտեմբերի 9-ի՝ ԱՊՀ պետությունների ղեկավարների Խորհրդի Որոշման առնչությամբ:

2. Բացառությամբ «Բնական և տեխնաժին բնույթի արտակարգ իրավիճակների Միջպետական խորհրդի մասին Կանոնակարգի» 1-ին կետի 3-րդ պարբերության, ինչպես նաև 2-րդ գլխի 2-րդ կետի 4-րդ, 8-րդ և 9-րդ պարբերությունների:

**Ադրբեջանի Հանրապետության  
վարչապետի առաջին տեղակալ**

**Յագուբ Էյուբով**



Սույնով հավաստվում է, որ կցված տեքստը 2015 թվականի հոկտեմբերի 30-ին ստորագրված «Բնական և տեխնաժին բնույթի արտակարգ իրավիճակների կանխման և հետևանքների վերացման բնագավառում փոխգործակցության մասին» 1993թ. հունվարի 22-ի համաձայնագրում փոփոխություններ և լրացումներ կատարելու մասին» արձանագրության հայերեն պաշտոնական թարգմանությունն է:



Հայաստանի Հանրապետության  
արտաքին գործերի նախարարություն